

**26 NOIEMBRIE**  
**RUGACIUNEA**  
**SF. CUVIOSI**  
**ATANASIE SI TEODOSIE**  
**DE LA CEREROVETK**

Молітва преподобным Афанасію и Феодосію  
Череповецким

О богоблаженная двоїце, велицыи и преславнии чудотворцы, преподобнии отцы наша Афанасіе и Феодосіе! О горлицы пустыннолюбныя, возлетевшия от гнезда великого аввы земли Русския, преподобного и богоносного отца нашего Сергія! Се ныне мы, грешнии, собраннии в день земнаго вашего торжества, лобызающе образ ваш честный [или: обстояще раку пречестных и многоцелебных мощей ваших], усердно молим вас, яко теплых предстателей наших пред Господем: во многих скорбех и искушениях терпение велие показавшия, даруйте нам, немощным, крепость во обстояниих жития нашего; усердне подвиги ваша земная совершившия, укрепите наша

си́лы, во е́же не то́чию словесы́, но и де́лы  
за́поведи Ева́нгельския соблюсти́; сердца́ ва́ша  
горе́ возносившия ко Го́споду, сотвори́те ны не  
наёмники бы́ти, но поисти́не ча́ды Бо́жиими, в  
любве́ пребыва́ющими ко Отцу́ Небе́сному.  
Па́стыри на́ша наста́вите усер́дными бы́ти в  
хране́нии ста́да Госпо́дня, ни еди́ныя же овцы́  
словесны́я погуби́ти, но вся прите́кшия ко  
Христу́, Первопа́стырю на́шему, до́бре пасти́ и  
ко Ца́рствию Небе́сному упра́вити. Прави́телей  
на́ших в зако́не Бо́жии утверди́те,  
тружда́ющимся испроси́те утеше́ние и кре́пость,  
да прииму́т от де́лания рук свои́х не то́кмо  
поле́зная к жи́зни сей вре́менной, но и возмо́гут  
ле́пту свою́ Бо́гови принести́. Ю́ныя  
уцелому́дрите, ста́рыя поддержи́те, на путь  
бра́чный вступи́вшия в любве́ и упова́нии друг  
ко дру́гу укрепите́. В мона́шестве  
подвиза́ющимся и во след вас тещи́ хотя́щим  
посо́бницы бу́дите в обе́тов соблюде́нии. Да и  
ны́не, и в пре́дняя ве́ки умно́жатся, я́ко зве́зды  
небе́сныя, ино́ки, угоди́вшия Бо́гу во а́нгельстем  
жити́и на землѣ́ на́шей. Нас же всех, по́мощи  
ва́шей ны́не прося́щих, сопроводи́те ко врато́м  
Черто́га Небе́снаго, да преше́дше по́прище

земна́го свое́го жити́я, возмо́жем ку́пно с ва́ми и со все́ми святы́ми земли́ на́шей прославля́ти пречестно́е и великоле́пое И́мя Единосу́щныя и Неразде́льныя Тро́ицы, Отца́ и Сы́на и Свята́го Ду́ха, в беско́нчныя ве́ки. **А**ми́нь.